

სახელმწიფო შესყიდვის შესახებ ხელშეკრულება №76

ქ. წალენჯიხა

21 დეკემბერი 2016 წელი

ერთის მხრივ, წალენჯიხის მუნიციპალიტეტი (შემდგომში – შემსყიდველი), წარმოდგენილი მუნიციპალიტეტის გამგებლის ბესიკ ფარცვანიას სახით და მეორეს მხრივ, შპს „წალენჯიხის საგზაო სამმართველო“ (შემდგომში – მიმწოდებელი), წარმოდგენილი მისი დირექტორის ბაგრატ დვინჯილიას სახით, სახელმწიფო შესყიდვების შესახებ საქართველოს კანონის მე-10 პრიმა მუხლის მესამე პუნქტის „დ“ ქვეპუნქტის თანახმად ვდებთ წინამდებარე ხელშეკრულებას შემდეგ ზე:

**1. ხელშეკრულების საგანი**

- 1.1. ხელშეკრულების საგანია წალენჯიხის მუნიციპალიტეტის გამგებლის 2016 წლის 20 დეკემბრის № 2-1/696 ბრძანებით სტიქიის შედეგების სალიკვიდაციო ღონისძიებების სალიკვიდაციოდ გამოყოფილი თანხების შესაბამისად სამუშაოების შესყიდვა.
- 1.2. (CPV კოდი 90620000 თოვლის გაწმენდის სამუშაოები) წინამდებარე ხელშეკრულებით გათვალისწინებული პირობების შესაბამისად, შესყიდვის საშუალებაა გამარტივებული შესყიდვა.

**2 შესყიდვის ობიექტის ტექნიკური დავალება**

- 2.1. შესყიდვის ობიექტი: წალენჯიხის მუნიციპალიტეტის გამგებლის 2016 წლის 20 დეკემბრის № 2-1/696 ბრძანებით გათვალისწინებულ წალენჯიხის მუნიციპალიტეტის ტერიტორიაზე დიდთოვლობის გამო შიდა საუბნო და ქალაქის ტერიტორიაზე ქუჩების და ცენტრალური გზების გაწმენდის, მოყინული გზის მონაკვეთებზე 20 % ქვიშა მარილის ნარევის მოყრის სამუშაოების შესყიდვა. (თანდართული დოკუმენტური აქტის შესაბამისად).

**3. ხელშეკრულების საერთო ღირებულება**

- 3.1. შესყიდვის ობიექტის ფასი განისაზღვრება ეროვნულ ვალუტაში (ლარებში).
- 3.2. შესყიდვის ობიექტის სავარაუდო ღირებულებაა 14000 (თოთხმეტიათასი) ლარი.

**4. შესყიდვის ობიექტის ხარისხი და გარანტია**

- 4.1. მიმწოდებელი იძლევა გარანტიას, რომ შესყიდვის ობიექტების ხარისხი უპასუხებს ამ სფეროში არსებულ თანამედროვე სტანდარტებს და ტექნიკურ ნორმებს.

**5. შესყიდვის ობიექტის მიწოდების ვადები, ადგილი და პირობები**

- 5.1. შესყიდვის ობიექტის მიწოდების ვადაა ხელშეკრულების გაფორმებიდან 2016 წლის 25 დეკემბრამდე.
- 5.1.1 შესყიდვის ობიექტის მიწოდების ადგილია: წალენჯიხის მუნიციპალიტეტის ტერიტორია.
- 5.2. შესყიდვის ობიექტის მიწოდების პარალელურად, მიმწოდებელი ვალდებულია უზრუნველყოს თანმხლები დოკუმენტაციის წარდგენა შემსყიდველისათვის (საგადასახადო ანგარიშფაქტურა ან ელ. ხელნაღები).

**6. შესყიდვის ობიექტის მიღება-ჩაბარების წესი**

- 6.1. შესყიდვის ობიექტის მიღება ფორმდება მიღება-ჩაბარების აქტით, რომელიც დადასტურდება წალენჯიხის მუნიციპალიტეტის გამგებლის და მიმწოდებლის მიერ უფლებამოსილი წარმომადგენლების ხელმოწერებით.

**7. ანგარიშსწორების ფორმა, გრაფიკი (ვადები) და ადგილი**

- 7.1. მიმწოდებელთან ანგარიშსწორება განხორციელდება ლარებში.
- 7.2. ანგარიშსწორება განხორციელდება სამუშაოების დასრულების შემდეგ, შესაბამისი დოკუმენტების (შესრულებული სამუშაოების აქტი ფორმა №2 და ფორმა №3, ინსპექტირების ჯგუფის აქტის, საბოლოო მიღება-ჩაბარების აქტის და ელ. საგადასახადო ანგარიშფაქტურა ან სასაქონლო ხელნაღები) წარმოდგენიდან 10 საბანკო დღის განმავლობაში.

**8. მხარეთა უფლება-მოვალეობანი**

- 8.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.
- 8.2. შემსყიდველს უფლება აქვს:
  - განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.
- 8.3. შემსყიდველი ვალდებულია:
  - დროულად და კეთილსინდისიერად შეასრულოს ხელშეკრულებით ნაკისრი ვალდებულებები.



- მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
- უზრუნველყოს შესყიდვის ობიექტის მიღება.

**8.4. მიმწოდებელს უფლება აქვს:**

- მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით.

- გადაუხდელობის შემთხვევაში მოსთხოვოს ანაზღაურება ყველა საჯარიმო სანქციით გამოწვეული ზარალისა სახელმწიფო ბიუჯეტთან ანგარიშსწორებისას.

**8.5. მიმწოდებელი ვალდებულია:**

- სამუშაოები დაიწყოს ხელშეკრულების გაფორმებიდან მომდევნო დღეს.
- წარუდგინოს შემსყიდველს ფოტო მასალა რომელზეც ასახული იქნება სამუშაოების დაწყების, მიმდინარეობის და დასრულების ეტაპები.

- დროულად და კეთილსინდისიერად შეასრულოს ხელშეკრულებით ნაკისრი ვალდებულებები.
- დაიცვას ხელშეკრულებით გათვალისწინებული ყველა პირობა.

- მიაწოდოს შემსყიდველს ხელშეკრულებით გათვალისწინებული შესყიდვის ობიექტი ხელშეკრულების მე-5 მუხლში გათვალისწინებულ ვადებში.

**9. მხარეთა პასუხისმგებლობა ხელშეკრულების დარღვევისას**

9.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

9.2. თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშუალოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

9.3. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4. ხელშეკრულებიდან გასვლასთან და ზიანის ანაზღაურებასთან დაკავშირებით შესაბამისად გამოიყენება საქართველოს სამოქალაქო კოდექსი.

9.5. ხელშეკრულებით გათვალისწინებული ვალდებულების შეუსრულებლობის ან ვალდებულების შესრულების ვადების დარღვევის შემთხვევაში, დამრღვევ მხარეს დაეკისრება პირგასამტეხლოს გადახდა ვალდებულების შესრულების ყოველ ვადაგადაცილებულ დღეზე ხელშეკრულების საერთო ღირებულების 0,02 % ის ოდენობით (აღნიშნული თანხა დაუკავდება მიმწოდებელს საბოლოო ანგარიშსწორების დროს).

**10. ხელშეკრულების მოქმედების ვადა**

10.1. ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან 2017 წლის 31 იანვრამდე

**11. ხელშეკრულების პირობების გადასინჯვის შესაძლებლობა**

11.1. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით, ასევე იმ შემთხვევებში, რომლებიც მითითებულია წინამდებარე ხელშეკრულების მე-12 მუხლში.

11.2. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების სავარაუდო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

**12. ფორს-მაჟორი**

12.1. მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.

12.3. მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.



**13. დაეები და მათი გადაწყვეტის წესი**

13.1. ხელშეკრულების შესრულებისას მხარეთა შორის წამოჭრილი დაეები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.  
13.2. იმ შემთხვევაში, თუ შემსყიდველი და მიმწოდებელი ურთიერთშორის მოლაპარაკებისას ვერ მიაღწევენ შეთანხმებას, შემსყიდველი იტოვებს უფლებას ცალმხრივად შეწყვიტოს ხელშეკრულების მოქმედება, ხოლო მხარეებს უფლება აქვთ მიმართონ სახელმწიფო შესყიდვების სააგენტოს ან სასამართლოს, საქართველოს მოქმედი კანონმდებლობით დადგენილი წესით.

**14. ხელშეკრულების ინსპექტირების პირობები**

14.1. შემსყიდველი ორგანიზაცია უფლებამოსილია აწარმოოს შესრულებული სამუშაოების ხარისხის, მიმდინარეობის და ვადების ინსპექტირება, ხელშეკრულების ინსპექტირებას შემსყიდველის მხრიდან განახორციელებს, წალენჯიხის მუნიციპალიტეტის გამგებლის ბრძანებით შექმნილი ინსპექტირების ჯგუფი

**15. სხვა პირობები**

15.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობის შესაბამისად.  
15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.  
15.3. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი მიმწოდებელთან, ერთი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.  
15.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

**16. მხარეთა იურიდიული მისამართები და რეკვიზიტები**

**„შემსყიდველი“**

**„მიმწოდებელი“**

წალენჯიხის მუნიციპალიტეტი  
ს. კოდი 242739248  
მისამართი: ქ. წალენჯიხა სალიას  
ქ. №5. II სართული  
ხაზინის ერთიანი ანგარიში  
სახაზინო კოდი 300343959

ტელ: 571 17 00 17

შპს „წალენჯიხის საჯარო  
სამმართველო“  
ს/კოდი 242728848  
მისამართი: წალენჯიხა. თამარ მეფის  
ქ. №10  
ს.ს. „ლიბერთი ბანკი“ წალენჯიხის  
ფილიალი  
ბ. კოდი LBRTGE22  
ა/ა GE77LB0113135291328000  
ტელ: 599 11 99 94



ბესიკ ფარცვალია



ბრატ ლვინჯილია